



USuku lwamaGugu

Ndivhuho Mutsila

Thulisile Shongwe



USuku lwamaGugu luyiholide elimhla zingama-24 kuMandulo.

Le ncwadi ixoxa ngalolu suku. Uzokwazi kabanzi ngalo nokuthi kungani luwusuku olubalulekile eNingizimu Afrika.



Bonke abantu banemvelaphi yabo. Imvelaphi yethu iyingxenywe yamagugu ethu.

Abantu base Ningizimu Afrika bakhumbula imvelaphi yabo ngokuthi bahlangane ngalolu suku njengemindeni, imiphakathi noma isizwe sonkana.

INingizimu Afrika inezinhlanga ezahlukene futhi sabelana ngamasiko.



Wonke umuntu eNingizimu Afrika unesiko aziqhenya ngalo.

Isiko laseNingizimu Afrika ligqamile futhi lihle.

Izinhlanga zethu zinokudla okwehlukile kanjalo nokuphuzwayo, imvunulo, amaculo kanye nomdanso.



Amasiko ethu ahlukene ahambisana nezinkolo ezahlukeni, izinkolelo kanye nokwehlukana ngezizwe.

Abantu baseNingizimu Afrika bakhuluma izilimi ezahlukeni. Ziyishumi nambili izilimi ezisemthethweni kuleli.



USuku lwamaGugu ngezilimi ezisemthethweni zaseNingizimu Afrika:

Ilanga lamaGugu (isiNdebele)

USuku lwezaMafa (isiXhosa)

USuku lwamagugu (isiZulu)

Letšatši la Bohwa (Sepedi)

Letsatsi la Botjhaba (Sesotho)

Letsatsi la Ngwaoboswa (Setswana)


Lilanga Lemagugu (Siswati)

Quvha la Vhufa (Tshivenda)

Siku ra Ndzhaka (Xitsonga)

Erfenisdag (Afrikaans)

Heritage Day (English)



Ngesikhathi sobandlulo uSuku lwamaGugu lwalubizwa ngokuthi uSuku lukaShaka okwakukhunjulwa ngalo inkosi yamaZulu uShaka.

Emva kobandlululo, iphalamende lashintsha uSuku lukaShaka lwase lubizwa ngoSuku lwamaGugu. Balwenza lwaba usuku oluzogujwa yibo bonke abantu eNingizimu Afrika.

Sigubha ukwehluka kwethu nokwabelana ngamagugu ezwe lethu.



Umthetho sisekelo waseNingizimu Afrika unemithetho ebalulekile esiholayo.
Uqukethe imithetho exhasa nevikela amalungelo ethu.

Umthetho sisekelo uthi sonke siyalingana.

Akekho umuntu ongaphezu komunye.



Umthetho sikelo uthi abantu abangacwasani.

Kumele sihloniphane.

Wonke umuntu unamalungelo afanayo. Wonke umuntu unelungelo lolimi lwakhe, inkolo namasiko akhe.



NgoSuku lwamaGugu abantu baseNingizimu Afrika bathanda ukucula amaculo omdabu, nokudansa imidanso yendabuko.

Bathanda nokupheka ukudla kwesintu.

Abanye bahlonipha amadlozi abo ngokuwathetha bawabonge.


Abanye bavakashela amangcwaba okhokho babo.



Abantu bagqoka imvunulo emibalabala. Bagqoka iminwenda, iseshoeshe, iswibhelane nanye imvunulo eningi.

Uma abantu baseNingizimu Afrika begubha uSuku lwamaGugu, bagubha nezimpawu zezwe.

Izimpawu zezwe yizilwane nezitshalo eziyingxenywe yamagugu ethu.



Nazi Izimpawu zezwe laseNingizimu Afrika:

Inyamazane yisilwane sesizwe.

Isithwalandwe yinyoni yesizwe.

Umkhoba yisihlahla sesizwe.

Isiqalaba yimbali yesizwe.

IGaljoen yinhlanzi yesizwe.



Izikole zigubha uSuku lwamaGugu ngaphambi kokuba lifike leli holide.
Izingane zifaka imvunulo yazo bese zitshela ezinye ngemvelaphi yazo.
Zabelana ngokudla kwesintu okwehlukile bese zifundisana nemidanso
ehlukene yomdabu.



Umgubho wamagugu aseNingizimu Afrika kumele uhlanganise i-Afrika yonke.

Izingane zase-Afrika eziziqhenyayo zithi:

NginguNamunya. Ngigqoke ishuka.

Ngingu-Adilah. Ngigqoke ikaftan.

Ngingu-Isoka. Ngigqoke igele.

NginguSipho. Ngigqoke ibheshu.

—Imibuzo

1. Lunini uSuku lwamaGugu futhi kungani silugubha?
2. Chaza izimpawu zesizwe ezine zaseNingizimu Afrika.
3. Bhala amagama 'osuku lwamagugu' ngezinye izilimi ezimbili ngaphandle kwalolu olukhulumayo.
4. Xoxani nganoma yimaphi amalungelo amane asekelwa futhi avikelwe uMthethosisekelo waseNingizimu Afrika.
5. Yiziphi izindlela ezahlukeneyo abantu baseNingizimu Afrika ababungaza ngalo uSuku lwamaGugu?
6. Thola mayelana nezindawo ezinhlanu zamagugu eziseNingizimu Afrika.
7. Yini oyaziyo 'ngezilimi ezisemthethweni'? Thola noma yiziphi izilimi ezinhlanu ezikhulunywa eNingizimu Afrika ezingekho phakathi kwezilimi eziyi-12 ezisemthethweni.
8. Ucabanga ukuthi kufanele kube nolimi olulodwa olusemthethweni kulo lonke elase-Afrika? Chaza.

—Izincwadi ezikulolu chungechunge

- USuku lweNkululeko
- USuku lwamaGugu
- USuku lwamaLungelo Abantu
- USuku lokuBuyisana
- USuku lwaBesifazane
- USuku lwaBasebenzi
- USuku lweNtsha

Lendaba ibhalwe ngolimi lwe Tshivenda nje ngenye yezinsiza zokufunda zeprojekthi yeZenex Ulwazi Lwethu ngonyaka wezi-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education
Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: USuku lwamaGugu

Author/s: Ndivhuho Mutsila

Translator/s: Zanele Ndlovu

Illustrator/s: Thulisile Shongwe

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

